

ТУРИЗМ СОҲАСИ ЮКСАЛИШИДА ИНТЕРНЕТ ВА АХБОРОТ – КОММУНИКАЦИЯ ТЕХНОЛОГИЯЛАРНИНГ ЎРНИ



Камолидин Шодиев Шамсиддин ўғли
Самарқанд Ипак йўли халқаро туризмуниверситети тадқиқотчиси
E-mail: kamoliddin.shodiyev@bk.ru

Аннотация: Мақолада замонавий АКТ ва Интернет тизимини туризм соҳасида қўллаш афзалликлари, жабҳалари ҳамда самарадорлиги кейинги 10 йиллик маълумотлар асосида тадқиқ этилган, уларнинг туризм маҳсулотларини ишлаб чиқаришни ўсишидаги улуши эконометрик усуллар ёрдамида аниқланди. Тадқиқот натижаларига биноан туризм тармоғининг юксалишида АКТ улуши 30 - 45 фоизни ташкил этди. АКТдан фойдаланувчиларига билим ва маълумотларга кириш, янги маълумотларни тўплаш имкониятини беради. Тадқиқот давомида меҳнат ва АКТга инвестициялар билан тармоқ ўсиши ўртасида ижобий корреляция, аммо меҳмонхоналар сони билан манфий боғлиқлик тасдиқланди. Демак туристларни жойлаштиришдаги камчиликлар тармоқни ривожланишидаги тўсиқлардан биридир. Соҳа ялпи маҳсулотининг капиталга нисбатан эластиклик коэффициенти 0,794, ишчи кучига нисбатан 0,113 ташкил этди. Бу жаҳонда ўтказилган тадқиқот натижаларига мос; Тармоқда АКТ ни қўллаш натижасида корхоналарнинг трансакцион харажатлари пасаяди, инновациялар тезлашади, фирмаларнинг рақобатбардошлиги ва иқтисодий самарадорлик ортади, бўлғувси сайёҳлар мамлакатимиз туризм имкониятлари ҳақида ахборотга эга бўлишади.

Калит сўзлар: туризм, интернет, АКТ, модель, корреляция, ўсиш, ҳисса.

Abstract: In the entry, effectiveness and advantages of modern ICT and Internet application in Tourism have been researched. The proportion of ICT and Internet in generation of tourism products has been identified through econometric approach. Based on the research ICT is responsible 30 – 45% of Tourism network development. ICT allows potential visitors to access necessary information and gather data. During the course of the research, positive correlation between the increase in Tourism network and the investment in ICT and conversely the opposite has been found between that and the number of hotels. Therefore, it clearly shows that the tourist accommodation pitfalls are the major obstacles in the network development. The elasticity coefficient per capita of the GDP of the field is 0,794, in workforce 0,113. It matches the results of the researches that have been conducted throughout the world. As a result of applying ICT in the network, companies' transaction expenses are reduced, innovations occur more, becomes competitive and its financial effectiveness increases. In turn, future visitors can obtain more information about the tourism opportunities of our country.

Key words: tourism, Internet, ICT, model, correlation, increase, contribute.

Кириш

Глобаллашув шароитида туризм хизматларини диверсификациялаш, тармоқда тадбиркорлик фаолиятига оид тўсиқларни бартараф этиш, давлат ва хусусий тармоқларнинг муқобил ривожланишини таъминлаш керак. Бунинг учун ушбу соҳага чет эл сармоясини жалб қилиш, миллий туризм маҳсулотларининг халқаро бозордаги рақобатбардошлигини ва хизматларнинг сифатини ошириш, кадрларни тайёрлаш ҳамда маркетинг хизматини кучайтириш асосида миллий туризм бозорини ривожлантириш зарур. Глобаллашув жараёнида дунёдаги юз бераётган ўзгаришларни таҳлил этишни, жаҳон молиявий-иқтисодий инқироз оқибатининг

туризм тармоғларини ривожланишига таъсирини комплекс таҳлил қилишни, республикамизнинг ўзига хос хусусиятларини ҳисобга олган ҳолда йирик трансмиллий компаниялар (ТМК) билан ҳамкорликни кенгайтириш ҳамда мустаҳкамлашда замонавий стратегик менежмент ва маркетинг стратегиялари асосида корхоналарни бошқариш, ахборот коммуникация технологияларидан кенг фойдаланишни тақозо этади.

Сўнгги ўн йилликларда ахборот-коммуникация технологиялари (АКТ) нинг жадал ривожланишининг иқтисодий ўсишга таъсири кўплаб олимлар ва тадқиқотчиларнинг диққат марказига айланди. Назарий таърифларга кўра АКТ аппарат, дастурий таъминот, тармоқлар ва ахборот воситаларини тўплаш, сақлаш, қайта ишлаш, узатиш ва тақдим этиш (овоз, маълумотлар, матнлар, расмлар) дан иборат. АКТ рақамли телефон тармоғини, уяли телефонларни, Интернет серверлари ва стационар кенг полосали тармоқ ва бошқа технологияларни қамраб олади. Дунё бўйлаб саёҳат ва туризм 2019 йилда жаҳон ЯИМнинг тахминан 2,9 трлн. АҚШ долларини ташкил этди.¹ Ўзбекистоннинг туризм соҳаси мамлакатда ривожланаётган ва гуллаб-яшнаётган соҳалардан биридир. Ушбу сектор мамлакат ялпи ички маҳсулотининг қарийб уч фоизини ташкил қилади. 2016 йилдан кейин Очиқ эшиклар сиёсати туфайли Ўзбекистон туризм индустрияси жадал ривожланмоқда, кейин эса ЯИМ ўсмоқда. 2018 йилда ҳар йили сайёҳлар келиши ва секторнинг умумий даромади 2017 йилга нисбатан икки баравар кўпайди, 2019 йилда улар 26 фоизни ташкил этди. Бугунги кунда АКТ соҳасининг ўрни тобора ортиб бормоқда. Жаҳон банкининг статистик маълумотларига кўра АКТ улуши жаҳон ялпи ички маҳсулотининг 5,5 фоизидан ортиғини ташкил этади. Илмий изланишлар шуни кўрсатадики, АКТнинг улуши қанчалик кўп бўлса, ЯИМ ўсиши шунча кўп бўлади. Уяли алоқа тармоқлари орқали маълумотлардан фойдаланишнинг икки бараварга ўсиши дунё бўйича ЯИМни жон бошига 0,5 фоизга оширади. Шу сабабли, АКТ ва туризм иқтисодий ўсиши ўртасида боғлиқликларни тадқиқ этиш катта аҳамиятга эга.

Республикамизда 2017 йилда қабул қилинган Ҳаракатлар стратегиясини амалга ошириш шароитида мамлакатнинг рақобатбардошлигини ошириш, иқтисодий салоҳиятини юксалтириш, инновацияларни кенг жорий этиш ва шулар асосида ресурслардан оқилона фойдаланиш рақамли иқтисодиётни шакллантириш омилидир. Чунки бошқарувда рақамли технологияларни кенг қўллаш, мамлакатимизда электрон ҳукумат тизимини жорий этиш муаммоси ижтимоий ривожланишнинг кўп вариантлиги ва муқобиллигини эътироф этишга асосланган. Шу туфайли мамлакатимиз Президенти Шавкат Мирзиёевнинг 2018 йил 19 февралдаги «Ахборот технологиялари ва коммуникациялари соҳасини янада такомиллаштириш чора-тадбирлари тўғрисида»ги фармони қабул қилинди ва соҳани жадал ривожлантириш бўйича муҳим вазифалар белгиланди. Жумладан, ахборот технологиялари ва коммуникациялари соҳасига хорижий инвестицияларни жалб этиш, тўғридан-тўғри сармоялар иштирокидаги лойиҳалар ҳиссасини ошириш зарурлиги, жорий йилда камида 200 миллион доллар, 2019 йилда эса инвестициялар, айниқса, тўғридан-тўғри сармоялар ҳажмини 500 миллион долларга етказиш вазифаси қўйилди. Шунингдек «Ўзбектелеком» компаниясининг нуфузини

¹ www.statista.com. tourism worldwide – statistics and facts

ошириш, «Ўзмоби́л» миллий моби́ль алоқа операторини ривожлантириш бўйича чора-тадбирлари белгиланган.

Мавзуга оид адабиётлар таҳлили

Сўнгги ўн йилликларда АКТнинг иқтисодий ўсиш даражасига таъсири бир қатор тадқиқотчилар томонидан турли хил усуллар, маълумотлар тўпламлари ва турли вақт оралиғидан фойдаланган ҳолда, давлат ёки давлатлар гуруҳи даражасида ўрганилган. Жаҳон иқтисодий форумининг [1] тадқиқотига кўра, давлатда АКТ соҳасининг 10 фоизга ўсиши, аҳоли жон бошига тўғри келадиган ЯИМнинг 0,76 фоизга ва бандликнинг 1,03 фоизга ўсишига олиб келади. АКТ янги иш ўринлари ва даромад манбаларини яратиш орқали камбағалликни камайтиришда, шунингдек, кам таъминланганларнинг саломатлиги ва таълимига сарфланадиган харажатларни камайтиришда етакчи ўрин тутишини кўрсатди. Жаҳон банки [2] таъкидлаганидек, АКТ «жиҳоз, дастурий таъминот, тармоқлар ва маълумотларни(овоз, маълумотлар, матн, расм) тўплаш, сақлаш, қайта ишлаш, узатиш ва тақдим этиш воситаларидан» иборат. Чет эллик олим А.Юсуфи талқинича АКТ "рақамли телефон тармоғи, мобил телефонлар, интернет имкониятлари, интернет серверлари ва стационар кенг полосали тармоқ, шунингдек бошқа технологиялар" деган маънони англатади [3]. Кўпгина тадқиқотчилар (Ж.Хафту ва бошқалар) АКТ кўп жиҳатдан иқтисодиётнинг тез ўсиши учун жуда муҳим эканлигини таъкидлайдилар: АКТдан фойдаланиш унинг фойдаланувчиларига билимлар ва маълумотларга тезкор қўлга киритишга имкон беради [4]. М.Фархади фикрича ахборот ва коммуникация технологиялари компанияларнинг боғланишини осонлаштиради ва тезлаштиради, бундай йўл билан улар ишлаб чиқариш харажатларини камайтиради ва самарадорликни оширади [5]; С.П. Димелис фикрича АКТ янги бозорларга киришга имкон беради, молиявий бозорлар самарадорлигини ошириш орқали капитал харажатларини камайтиради [6]; С. Чоу АКТдан фойдаланиш ва ҳаттоки биргина интернетдан фойдаланиш, агентлик харажатларини камайтириш ва маълумот асимметриясини ўзгартириш орқали ҳар қандай бизнесни ривожлантириши мумкинлигини эътироф этади [7].

Ватанимизнинг Ўзбектелеком ташкилоти олимлари [8] ва Б.Х. Тураевнинг мақолаларида [9,10] Ўзбекистонда туристик соҳани янада ривожлантиришда интернет тизими ва АКТ муаммоларига ва меҳмондўстлик индустриясини ривожлантириш назарияси ва амалиёти масалаларига кенг эътибор қаратилган. Аммо АКТ нинг туризм тармоғининг ривожланишига қўшаётган хиссаси ва соҳада инновацияларни ривожлантириш масалалари кам тадқиқ этилган.

Маълумотлар базаси ва услубиёт

Мамлакатда Интернет тармоғидан жамоавий фойдаланиш шаҳобчалари сони ортиб бормоқда (ЖФШ). Бунга ушбу шаҳобчалар фаолиятини лицензиялаш жараёнининг соддалаштирилиши ёрдам бермоқда. Интернет тармоғида уланиш учун Wi-Fi технологиясидан фойдланиш ҳам кенгаймоқда. Натижада Wi-Fi фойдаланиш нуқталари сони ортади. Тадқиқот маълумотлар базаси 2010 йилдан 2020 йиллар оралиғини қамраб олган асосан, иккита манбадан шакллантирилди: АКТга инвестициялар Халқаро телекоммуникация бирлиги сайтидан, Жаҳон туризм ташкилоти ҳамда Ўзбекистон Республикаси статистика қўмитаси маълумотларидан тўпланди. Бу маълумотлар жумласига мамлакатимиз ва туризм тармоғининг иқтисодий ўсиши, инвестициялар, ишчи кучи, меҳмонхоналар даги жойлари

тўғрисидаги статистик ва эмпирик маълумотлар киради. Эконометрик моделларни тузишда юқоридаги индикаторларнинг динамикадаги вақт қаторлари ишлатилган. Тадқиқот мавжуд иқтисодий назарияларга таянган ҳолда сифат ва миқдор таҳлиллари ёрдамида моделлар яратилди ва дедуктив ёндашув қўлланилди. Ўзбекистонда туризм соҳасининг кейинги ўн йилдаги ўртача статистик кўрсаткичлари қуйидаги жадвалда келтирилган.

1-жадвал


Моделга киритилган омилларнинг кузатишган даврдаги статистик тавсифлари


Кўрсаткичлар	Туризм соҳасининг маҳсулоти Млн. \$	Тармоқга инвестициялар Млн.\$	Меҳмонхона ларнинг сони, дона	Тур операторларнинг сони, киши
Ўртачалар	1312,6	43,9	725,0	432
Стандард хато	190,9	4,3	58,8	30,6
Медиана	1262,0	46,4	705,5	415,5
Стандард фарқланиш	603,8	13,7	186,0	96,8

Манба: UNWTO ва Ўзбекистон Республикаси Статистика қўмитаси материаллари

Жадвал маълумотларидан кўриниб турибдики 2011 – 2019 йилларда туризм соҳасининг ўртача йиллик маҳсулоти ҳажми 1312,6 млн. долларни, инвестициялар ҳажми 43,9 млн.долларни ташкил этди. Меҳмонхоналарнинг сони 725 ва тур операторлар сони 432 кишини ташкил этди. Кузатишган давр орасида туризм маҳсулотининг ва инвестициялашнинг тебраниши (вариацияси) кучли бўлган, аммо иқтисодий параметрларнинг тақсимланиши нормал функцияга тўғри келади, чунки медиана билан ўртачалар орасидаги фарқ кичик.

Ўзбекистонга 2019 йилда ташриф буюрган туристларнинг мақсади ва ёши бўйича тақсимланиши қуйидаги расмларда акс эттирилган.





Демак аксарият туристлар қариндош уруғларни ва дўстларни кўриш ва кейинчалик таълим олиш ва даволаниш учун ташриф буюрган экан. Туристларнинг ёши жиҳатидан аксарият туристлар 30 ва 55 ёш оралиғида экан. Тадқиқотни чуқурлаштириш мақсадида кейинчалик эконометрик моделлар тузилди.

Моделдаги ўзгарувчиларни танлаш. Тадқиқот ишидаги омиллар яъни ўзгарувчилар таърифлари қуйидагича : Туризм соҳасининг реал маҳсулоти (**LnTDP**), млн. доллар), Ялпи ички маҳсулот (**LnGDP**, млн. доллар), инвестициялар (**LnInvestment** млн. доллар), ишчи ва хизматчилар сони (**LnLabor**) ва меҳмонхоналар (**LnHotel**, бирликда) ўлчанди. Эконометрик моделларни танлашда эмпирик кузатувлар ва эконометрика фани [11] томонидан тавсия этилган математик тахминлар ва бир нечта тестлар қўлланилди. Д.Гужарати [11] таъкидлашича, қисқа даврдаги динамик қаторларни стационарликка текшириш зарур эмас, чунки амалдаги маълумотларнинг намунавий ўлчамларидаги тебранишлар унча катта бўлмайди. Кейинчалик ўзгарувчилар орасидаги корреляцион алоқадорлик текширилди.

2-жадвал

Регрессион тенгламадаги омилларнинг корреляцион матрицаси

	Y	K	R	L
Y	1			
K	0,96658296	1		
R	0,89370747	0,913521	1	
L	0,82574142	0,8334931	0,978536614	1

Тадқиқотда бир омилли чизиқли логарифм моделлар:

$$\text{LnTDP} = \text{Ln}\beta_0 + \beta_1 \text{LnGDP} + u_i \quad (1)$$

$$\text{LnTDP} = \text{Ln}\beta_0 + \beta_1 \text{LnInvestment} + u_i \quad (2)$$

$$\text{LnTDP} = \text{Ln}\beta_0 + \beta_1 \text{LnLabor} + u_i \quad (3)$$

$$\text{LnTDP} = \text{Ln}\beta_0 + \beta_1 \text{LnGDP} + u_i$$

ва кўп омилли чизиқли логарифм моделлар:

$$\text{Ln TDP} = \text{Ln}\beta_0 + \alpha \text{Ln Investment} + \beta_1 \text{LnLabor} + u_i \quad (4)$$

$$\text{Ln TDP} = \text{Ln}\beta_0 + \alpha \text{Ln Investment} + \beta_1 \text{LnLabor} + \beta_2 \text{LnHotel places} + u_i \quad (5)$$

қўлланилди.

Тадқиқот натижалари

Мамлакатимизда амалга оширилган таркибий ўзгаришлар ва иқтисодий ислохотлар маҳсули сифатида кейинги йилларда туризм тармоғи тезкор ривожланмоқда. Пастда келтирилган жадвал маълумотларига назар ташласак 2011 йилда туризм соҳасининг реал ҳажми 0,34 млрд.долларни ташкил этган бўлса у 2019 йили 1,980 млрд. долларга етди ёки 6 бараварга ортди. Инвестициялар миқдори 2,8 баравар, меҳмонхоналар сони 1,8 ва тур операторлар сони 1,8 бараварга ортди. Аммо 2019 йил охирида бошланган короновирус пандемияси глобал инқирозга сабаб бўлди ва унда бошқа тармоқлар сингари туризм ҳам катта талофат кўрмоқда. Глобал инқирознинг республикамиз ижтимоий – иқтисодий ривожланишига салбий таъсирларини юмшатиш мақсадида Ўзбекистон Республикаси Президентининг “Короновирус пандемияси ва глобал инқироз ҳолатларининг иқтисодиёт тармоқларига салбий таъсирини юмшатиш бўйича биринчи навбатдаги чора - тадбирлар тўғрисида” ва “Корновирус пандемияси даврида аҳоли, иқтисодиёт тармоқлари ва тадбиркорлик субъектларини қўллаб – қувватлашга доир қўшимча чора - тадбирлар тўғрисида” ги Фармонлари қабул қилинди ва амалиётда жорий этилмоқда. Фармонда кўрсатиб ўтилгандек жаҳон миқёсида короновирус инфекцияси тарқалишига қарши курашишда республикамизда инсонларнинг ҳаракатланишига чекловлар киритиш ва корхоналар фаолиятини тўхтатиш орқали мисли кўрилмаган чоралар кўрилмоқда. Бунда туризм, транспорт, фармацевтика ва тўқимачилик саноати каби республика иқтисодиётининг жадал ривожланаётган тармоқларини қўллаб -қувватлаш ва уларнинг барқарорлигини таъминлашга алоҳида эътибор қаратиш зарур.

3-жадвал

Ўзбекистонда туризм соҳасининг 2011 - 2020 йиллардаги ривожланиш динамикаси

Кўрсаткичлар	Ўлчов бирлиги	2011	2015	2016	2017	2018	2019	2020 (режа)
Туристик хизматлар экспорти	млрд. долл. США	0,342	1,187	1,336	1,510	1,722	1,980	2,316
Туризм тармоғига инвестиция киритиш	млрд.сум	20,5	46,3	46,4	48,2	51,6	56,8	65,3
Меҳмонхона ва шу тарздаги бинолар	ед.	500	661	750	825	880	943	1018
Тур операторлар сони	ед.	332	398	433	471	511	553	596

Манба: UNWTO ва Ўзбекистон Республикаси Статистика қўмитаси материаллари

Бизнинг тадқиқотларимиз Кобб-Дуглас функциясидан фойдаланиб, АКТ инвестициялари, иш кучи, меҳмонхоналар жойлари ва Ўзбекистондаги туризм маҳсулоти ўртасидаги боғлиқликни текшириш ва уларнинг коэффициентларини

аниқлаш учун фойдаланмоқда. Улар туризмга АКТ инвестицияларини самарали бошқариш учун тармоқ асосларини яратишга ёрдам беради. Бошқа томондан, жамият маълум миқдордаги маҳсулот ишлаб чиқаришга интилганда, тадқиқотлар ўзгарувчан омиллар қанча имконият яратиши мумкинлиги ҳақида тавсиялар беради.

4-жадвал

Чизиқли логарифмик моделлар

Ўзгарувчилар	Бир омилли, ўзгарувчи ЯИМ (1)	Бир омилли, ўзгарувчи Инвестициялар (2)	Бир омилли, ўзгарувчи - Ишчи кучи (3)	Бир омилли, ўзгарувчи - Меҳмонхон алар (4)	Икки омилли регрессия (5)	Уч омилли регрессия (6)
Ln GDP	2.844***					
	0.75					
Ln Investment (K)		1.563***			0,7937***	1,642**
		0.146			0,1387	0,5886
Ln Labor (L)			2.183***		0,1128*	0,783***
			0.527		0,0386	0.0,900
Ln Hotel places (H)				2.022***		-0,725
				0.255		0,187
Constant	-23,953**	1.226	-6.151**	-6.358**	0,7062**	0,953
	8,24	0.548	2.190	1.693	0,2573	0,323
R-squared	0.638	0.834	0.681	0.887	0.939	0.936

*** $p < 0.01$, ** $p < 0.05$, * $p < 0.1$

Манба: Муаллифнинг Eviews -9 дастури асосида ишланмалари

Моделларнинг адекватлиги, коэффицентлар барча статистик тестлар орқали текширилди ва алоқалар тасдиқланди. Тадқиқотнинг умумий натижалари танланган кўрсаткичларнинг ҳар бири регрессия таҳлилининг барча талабларига жавоб беришини кўрсатди. Энг кичик квадратлар усуллари қўллаш учун логарифмик чизиқли регрессия моделларидан фойдаландик. Регрессия натижалари юқоридаги жадвалда акс эттирилган.

Бошқа омиллар ўзгармаган ҳолда айтиш мумкинки, мамлакатимизнинг ялпи маҳсулоти бир фоизга ортганда туризмнинг маҳсулоти 2,844 фоизга ортади.

Кўп омилли регрессияга биноан соҳа ялпи маҳсулотининг капиталга нисбатан эластиклик коэффиценти 0,794, ишчи кучига нисбатан 0,113 ташкил этди. Омилларнинг эластиклик коэффицентлари асосида туризм тармоғи ривожланишига интернет ва АКТ таъсири ва улушини топдик. Унда жаҳонда кенг қўлланиладиган "Солоу қолдиғи" тамойилини қўлладик.

Тадқиқот натижаларига биноан туризм тармоғининг юксалишида АКТ улуши 30 - 45 фоизни ташкил этди. АКТдан фойдаланувчиларига билим ва маълумотларга кириш, янги маълумотларни тўплаш имкониятини беради.

Тармоқда АКТ ни қўллаш натижасида корхоналарнинг трансакцион харажатлари пасаяди, инновациялар тезлашади, фирмаларнинг рақобатбардошлиги

ва иқтисодий самарадорлик ортади, бўлғувси сайёҳлар мамлакатимиз туризм имкониятлари ҳақида ахборотга эга бўлишади.

5-жадвал

Ўзбекистон туризм соҳасининг ривожланишига АКТ нинг ҳиссаси динамикаси

Индикаторлар	2017	2018	2019	2020 (режа)
АКТ нинг ўсишдаги ўрни, %	6.98	77.6	11.83	7.88
АКТ улуши, %	56.3	85.8	45.3	30.2
Реал туризм маҳсулотининг ўсиши, %	12.4	90.4	26.1	26.1

Манба: Муаллифнинг EvIEWS -9 дастури асосида ишланмалари

Пандемия ва глобал инқирои мамлакатимиз туризм тармоғи ривожига ҳам салбий таъсир кўрсатмоқда. Инқироз давом этаётган даврида миллий иқтисодиётнинг биринчи галдаги вазифалари бозор ишончини тиклаш, nobozor секторини, биринчи навбатда рента муносабатлари таъсир ҳудудини қисқартириш, ва рақобатчиликни ривожлантиришдан иборат. Шунингдек корхоналарнинг рақобатбардошлиги ва уларнинг иқтисодий ҳолатига короновирус пандемиясининг таъсирини юмшатиш мақсадида ишлаб чиқариш харажатларини пасайтириш, маҳсулот таннархини арзонлаштириш, трансакцион сарфларни тежаш чора - тадбирлари тавсия этилган. Улар туризм тармоғига ҳам бевосита тегишлидир. Молиявий ночор корхоналарга имтиёзли кредит бериш, банкдан олган кредитларини сўндиришга имтиёз яратиш, маҳсулотларнинг энергия ва бошқа хом ашё сифимини пасайтиришни рағбатлантириш, маҳаллий ишлаб чиқарувчиларини локализация дастурларига киритиш, уларнинг маҳсулотига бўлган ички талабни ошириш тадбирлари белгиланган. Ишлаб чиқаришни янги маҳсулотлар ва фаолиятлар билан кенгайтириш ҳисобига диверсификациялашни амалга ошириш, маҳсулотлар ва хизматлар ассортименти ва сифатини ошириш, улардаги қўшимча қиймат сифимини ошириш, сотиш каналлари ва бозорларини кенгайтириш, бандликни, ўз – ўзининг бандлигини таъминлаш чора –тадбирлари кенг жорий этилмоқда.

Хулоса

Жорий йил мамлакатимизда “ **Илм, маърифат ва рақамли иқтисодиёт йили**” деб эълон қилиниб давлат дастури қабул қилинди. Рақамли иқтисодиёт ҳар бир соҳада Интернет ва ахборот – коммуникация технологияларини қўллашни тақозо этади. Уларни соҳада қўллаш иқтисодий юксалишнинг қисқа йўлидир. Мустақиллик йилларида амалга оширилган иқтисодий ислохотлар туфайли кўплаб фирмалар ташкил этилди ва АКТ асосида замонавий бошқарув тизимлари жорий этилди. Хозирги кунда АКТнинг ЯИМдаги улуши 1,9% ни ташкил этади ва 2030 йилга бориб уни 10 фоизга ошириш режалаштирилмоқда. Аммо туризмга йўналтирилган инвестициялардан даромад пастлигича қолмоқда. Маълумки, Ўзбекистон туризмга йўналтирилган сармоялар илм-фан ва технологияларни ривожлантиришга, фирмаларнинг маъмурий бошқарувини яхшилашга ва одамларнинг турмуш шароитларини яхшилашга олиб келади. АКТдан кенг фойдаланиш замонавийлаштиришнинг асосий омилига айланмоқда. Ушбу таъсир "Солоу қолдиғи" сифатида аниқланган. Тадқиқот давомида ишлаб чиқариш, ишчи кучи ва АКТ

инвестициялари ўртасида ижобий алоқа кузатилди, сектор маҳсулоти ва меҳмонхоналар ўсиши суръатлари ўртасидаги ўзаро боғлиқлик салбий бўлди. Кобб - Дуглас функцияси каби ишлаб чиқариш функциялари оқилона ҳажм ва самарани аниқлаш учун туризм маҳсулоти ва харажатлар, маржинал даромад ва маржинал харажатлар ўртасидаги боғлиқликни аниқлашга имкон беради. Ўзбекистон Республикасида туристик фирмаларнинг бошқарув жараёнларида АКТ ва унинг янги авлодидан фойдаланишни кенгайтириш, тармоқни ўларга таянган ҳолда модернизациялаш, инновацияларни жорий этиш мамлакатимиз бизнес субъектларнинг рақобатбардошлигини оширади. Бу амалий ишлар

Ўзбекистон Республикаси Президентининг 2017 йил 7 февралдаги "Ўзбекистон Республикасини 2017 – 2021 йилларда янада ривожлантириш бўйича ҳаракатлар стратегияси тўғрисида" ги ПФ-4947-сон Фармонининг ижросини таъминлашга олиб келади.

Фойдаланилган адабиётлар

1. World Economic Forum.,2013. The Global Information Technology Report 2013, Digitization for Economic Growth and Job Creation. Available from: http://www3.weforum.org/docs/WEF_GITR_Report_2013.pdf [accessed on 10 July 2018].
2. World Bank., 2002. Information and Communication Technologies: A World Bank Group Strategy. Available from: <http://documents.worldbank.org/curated/en/421471468325303463/Information-and-communication-technologies-a-World-Bank-Group-strategy> [Accessed 11 February 2020].
3. Yousefi, A., 2011. The Impact of Information and Communication Technology on Economic Growth: Evidence from Developed and Developing Countries. Available from: <https://www.tandfonline.com/doi/abs/10.1080/10438599.2010.544470> [Accessed 18 February 2020].
4. Haftu, G.G., 2018. Information communications technology and economic growth in Sub-Saharan Africa: A panel data approach. Available from: <https://www.sciencedirect.com/science/article/abs/pii/S0308596117303737?via%3>
5. Farhadi, M.; Ismail, R.; Fooladi, M., 2012. Information and communication technology use and economic growth. Available from: <https://journals.plos.org/plosone/article?id=10.1371/journal.pone.0048903> [Accessed 18 February 2020].
6. Dimelis, S.P.; Papaioannou, S.K., 2010. FDI and ICT effects on productivity growth: A comparative analysis of developing and developed countries. Available from: <https://link.springer.com/article/10.1057%2Ffejdr.2009.45> [Accessed 12 January 2020]. [Accessed 28 February 2020].
7. Choi, C.; Yi, M.H., 2009. The effect of the Internet on economic growth: Evidence from cross-country. Available from: <https://www.sciencedirect.com/science/article/abs/pii/S0165176509001773?via%3> [Accessed 19 January 2020].
8. Uzbektelcom 2011, *Development of Telecommunication Networks During Independence years of the Republic of Uzbekistan*, viewed 10 May 2011, <http://archive.uztelecom.uz/en/content.scm?contentId=7751>.
9. Тураев Б.Х. Выездной туризм Узбекистана: реалии и перспективы // Вопросы экономических наук. М.: 2008. №2. 89-92 стр.
10. Тураев Б.Х. Основные компоненты и направления развития туристических услуг в регионах Узбекистана // Экономика и финансы, М.: 2008. №9.
11. Gujaraty D. Econometrics, Fourth edition. Addison – Wesley. 2011